



# ATASSUT INATSIARTUNI

---

18. februar 2014

Inatsisartut suleriaasiat § 37 immikkoortoq 1 naapertorlugu matumuuna Naalackersuisunut apeqqutit imaattut saqqummiuppagut:

**Assartuinermit akit 2014-mi 5 procentimik 2015-milu 5 procentimik qaffanneqarnissaanik Naalackersuisut Royal Arctic Line A/S-imut akuersinerat aallaavigalugu apeqqutit.**

(Inatsisartuni ilaasortat Knud Kristiansen aamma Gerhardt Petersen, ATASSUT)

## **Tunnngavilersuut:**

Siullermik ATASSUT-mit Naalackersuisut qutsavigissavagut RAL pillugu apeqqutitsinnut akissutigineqartunut (Apeqqut nr. 261/2013). Apeqqutitsinnut akissutigineqartut tamakkiisumik ersersitsinngitsut nalilerparput, taamaammallu itisiliinerusumik aammalu pissutsit qanoq innerinik ersersitsinerusumik akineqarnissarput kissaatigalugu apeqqutigut nangeqqippagut.

Apeqqutilli tikitsinnagit ATASSUT-mit erseqqissaatigissavarput inuiaqatigiinnut pingaaruteqarluinnarmat nukittuumik, eqaatsumik, isumannaatsumik aammalu ingerlaavartumik nioqqutissanik pilersuinerup assartuinerullu ingerlanneqarnissaa, ullumikkut aamma siunissami.

Taamaammat isumarput naapertorlugu angallanneq pillugu Naalackersuinikkut ingerlatsinermi kukkusumik aallaavilimmik ingerlatsisoqarsinnaanissaa akissaqartinngilarput, taamaammallu pingaaruteqarluinnarpoq nalorninartumik inissisimaneq pinngitsoortinniassallugu, taamatummi inissisimasoqarpat aalaakkaasumik isumannaatsumillu ingerlatsisinnaaneq qulakkeerneqarsinnaajunnaassammat.

ATASSUT-mit nalunngilarput Naalackersuisut massakkut atuuttut siuliisa pinasuartumik tunnngavimmigullu isumannaagaangitsumik aallaaveqarlutik januar 2011-mi aqqutissiummassuk Royal Arctic Line A/S 600 mio. Kr.-it missaannik annertussusilinnik taarsigassarsiniarsinnaasoq,



## ATASSUT INATSISARTUNI

---

aammalu tassunga atatillugu kiffartuussinermik isumaqatigiissut 31. December 2030-ip tungaanut atuuttusaaq aqqutigalugu inuiaqatigiit allangortitassaannngitsumik pituttorneqarput.

ATASSUT-mit assut ajuusaarutigaarput 2011-mi Inatsisartut Aningaasaqarnermut Ataatsimiititaliaanni ilaasortat amerlanerussuteqartut pinngitsaalineqartutut inissisimatilerlugit akuersaartinneqarsimmamata aalajangernermut nalorninartortaqaqisumut pituttuisumullu, uffa massa inuiaqatigiit Kalaallit nioqqutissanik assartuinikkut kiffartuunneqarnerat pillugu tamakkiisumik isiginnilluni oqaloqatigiinnerit ingerlanneqarsimannngikkaluartut.

Aalajangiineq pereerpoq, ATASSUT-millu periarfissanik allanik takunnissinnaanngilagut, taamaallaat tassa aalajangiinerit taakku tunngavigalugit aalaakkaasumik isumannaatsumillu nioqqutissanik assartuinnermut atatillugu naalakkersuinikkut anguniakkat ilusilersorneqarnissaat qulakkeerniarneqartariaqarluinnarpoq.

Makku innersuussutigalugit:

- Inatsisartut Aningaasaqarnermut Ataatsimiititaliarisimasaata aalajangernerat 15. Januar 2011 (j.nr. 01.31.06/11-00522),
- Naalakkersuisunut apeqqutigut ulloq 23. december 2013 nassiussagut,
- Naalakkersuisut akissutaat 15. januar 2014 ullulernerqarsimasut,
- Assartuinnermi akit 2014-mi 5 procent-imik aammalu 2015-mi 5 procent-imik qaffanneqarnissaannik Naalakkersuisut aalajangernerat, 15. februar 2014-mi aalajangiunneqartoq,

matumuuna ATASSUT-mit Naalakkersuisut qinnuigissavagut makku apeqqutit ilanngussat akeqqullugit:

- 1) Ukioq manna 5 procent-imik aappaagulu 5 procent-imik assartuinnermut akit qaffanneqarnissaasa saniatigut inuiaqatigiinnut allatigut eqquisoqannginnissaa Naalakkersuisut qanoq iliorlutik qulakkeerniassavaat?



## ATASSUT INATSIARTUNI

---

- 2) Assartuinnermut akit qaffanneqarnissaat pinngitsoortinniarlugit RAL-ip ilumini pisariillisaaneq aammalu sipaarniarneq aqcutigeqqaarsimaneraat pillugu akissutisjarput naammaginarturnik matussusiinngilaq. Matumuuna RAL-ip pisariillisaanerit sipaarniarnerillu ilumini iliuuserisimasai pillugit erseqqissumik nassuiaammik piunasaqaateqarpugut aammalu minnerunngitsumik siunissaq eqqarsaatigalugu ingerlatseqatigiiffimmut tunngatillugu pilersaarutigineqartut ilanngunneqassasut kissaatigaarput.
- 3) Assartuinnermi akinik qaffaernerup kingunerisinnaasai pillugit misissueqqissaarneq qaqugu tamanut takussutissiarineqassava?
- 4) Pissutsit qanoq ittut qulakkeersinnaavaat inuiaqatigiit aammalu inuiaqatigiinni inuussutissarsiornermik ingerlataqartut assartuinnermi akit qaffanneqarnerisa saniatigut annertunerusumik eqqorneqassanngippata?
- 5) 2013-mi ukiup affaani siullermi RAL-ip naatsorsuutaasa 3. September 2013-mi tamanut saqqummertumi takussutissaqarpoq pissutissaqartoq aarlerissalluni 2013-mi ukioq naatsorsuusiorfik RAL-imut kingumut pitsaanngitsumik kinguneqassasoq (Akileraarut suli ilanngaatinagu minus 59,7 mio. kr.). RAL-ip ataatsimeersuarnissaanut RAL-imut piunasaqaatigineqartussat Naalakkersuisut suut saqqummiutissamaarpaat, aammalu piffissap imaalinerani angusaqarnerlussimanermik aallaaveqarluni naatsorsuutit akitsuinikkut eqquereernerup qaavatigut akitsuisariaqalerneramik inuiaqatigiinnik eqquisoqassanngitsoq Naalakkersuisut qularnaatsumik neriorsuutigisinnaavaat?

Taakkuupput apeqqutit akissutissarserusutagut, naatsorsuutigarpullu ullut suliffiusut qulit qaangiutsinnagit akineqareersimassalluta.